

宋诗纪事

第三函
五册

宋詩紀事卷五十

錢唐 厲鶚 緝

錢唐 桑調元 勘定

陸永仲

永仲字維之一名凝之字子才餘杭人隱大滌洞

天之石室因以石室稱之有石室集

四朝聞見錄光堯嘗幸大滌憲聖亦侍進主觀者問以山中詩客以維之對進其行卷光堯讀之太息曰布衣入翰林可也憲聖曰山林隱士不要人知要他出山卻是苦他遂止

西湖志餘永仲少與計偕入汴羣法徒邀令雜坐命道人相之道人指永仲曰秀才問以科第曰且還山及別道人以粒丹授之曰緩急用之永仲下第循汴而歸怒濤大作以丹投之風浪恬息岸有呼永仲姓名者則道人也遂出家隱大滌山

洞霄宮

天柱峯前古洞霄我生來此避塵囂半牀明月琴三弄四
座青山酒一瓢當戶老松如對立隔花啼鳥似相招斷金
一去無消息唯有寒梅共寂寥

洞霄詩集

絕筆

岳南之館白雲端鳳笛龍簫徹廣寒一鶴曉飛沖碧落羣
仙笑倚玉闌干

咸淳臨安志

駱適正

西園席上記事

花隨春盡覓無痕尚續餘歡侑素尊一曲未終人已去西
園燈火欲黃昏

清波雜志輝居建康春晚赴張德共會於西園呼數輩侑酒酒酣忽有傳
府呼其人時張安國開府方兩日其人臨去求自解之說衆但以實告況

社中二客不至必畱鈴齋翌日詢之如所料焉歌者既去坐客駱適正即席賦詩云云

劉博文

博文文字元素宣城人

文大柳眼

青眼初垂已可知精神渾在豔陽時只因嫁得東君後兩

淚相看是別離

竹坡詩話元素內子朱賢善事其夫一日元素與客飲分韻得柳眼詩成坐客皆不悅後數日而其妻亡蓋詩讖也

劉斐

斐字仲忱

咸陽

父老壺漿逐義旗秦亡誰復爲秦悲不曾被虐曾蒙德十

二金人各淚垂

玉殿珠樓二世中
楚人一炬逐煙空
卻緣火是秦人火
只與焚書一樣紅

墨莊漫錄詩律殊有風致類唐人題詠他詩亦稱是

劉敬

觀滄浪亭石感而有作

蘇君在朝人不知
蘇君既沒人悲之
流風遺書見稱道
高文大句爭提撕
壁間草隸亦不置
剝苔椎土無棄遺
乃知死不與人共
利害而後不爲時
所疑滄浪亭空卉
木老古石蒼蒼顏
色好無脛猶疑千
里來致身忽在都
門道帝都王侯好
事多相看自悔取
不早君不見吳興
長史春襴衫

閉門抱恨長枯槁

吳郡志

薛揚祖

揚祖字元祖鄞人歷知漳州名爲大理丞

與張樞密話舊作

羸軀苦善病日與藥裏親藉彼參苓功扶此憂患身思君
若飢渴相憐同病人余身本蒲柳寧埃秋風晨君誠松栢
姿何患不長春容面一若丹鬢髮一若銀來日安可期往
事曷足陳不能罄君曩奚以浣我塵吹笙將鼓瑟慚余非
嘉賓

甬上耆舊集

薛居實

居實字去華鄞人朋龜子歷官淮東安撫使直祕

閣有集

皇太后挽歌

夾日光先業寒星聚夜臺慈名千古重哀詔九天來地底
雞人少雲中鶴使催宮門芳草徧從此不須開

老妓自稱汴京宮人泣而贈之

薄糝自敘老深宮一曲悲歌聽不終黑髮尚霑梁苑雪素
衣還帶上林風殘春柳葉蕭條綠破國桃花冷落紅收拾
琵琶蹙眉黛教人同在淚痕中

以上兩上耆舊集

仲昂

昂字明舉紹興中廣漢人

題西門外笮橋下觀音院

雨砌風亭長綠苔壁閒題字半塵埃城南蕭寺無人跡幾
度曾因送客來

全蜀藝文志

何錫汝

錫汝紹興閒人

玉虹泉

在羅田縣東五十里詩刻石上

百尺雲巖佛閣前晚鐘疎葉思悠然岸邊酌酒和清露石
上題詩染翠煙半嶺泉鳴通古澗數峯秋盡隔寒川西風
似欲吹人起去逐騎鯨汗漫仙

湖廣總志

劉望之

望之蜀人自號觀堂

新都驛遠平軒

霜晴木落送歸鞍袖手微吟此慰顏
賸欲憑欄招白鳥更煩翦樹出青山
晚悲薄祿非三釜賴許清詩見一斑
自注軒有外氏
周次元帥蜀時
詩
看到遠平纔得恨我寧僵臥尺椽閒

沱江

尚勝三年謫終慙萬里馴極知行路澀
可忍在家貧歲晚沱江綠雲深錦樹
新相思官如月夜夜只隨人

發成都

落拓平生載酒行如今憔悴鬢絲生
無金得買青樓笑空負悶愁出錦城
以上成都文類

紹興中作

一紙盟書換戰塵萬方呼舞卻霑巾
崇陵訪沈空遺恨郢

國憐懷若有人收拾金繒煩廟算安排鐘鼎頌宗臣小儒
何敢知機事終望君王赦奉春

程史紹興中和議成蜀士劉望之作詩云云時語禁未大嚴無以爲風者
望之它詩多諂秦檜所謂奉春不知指何人也

白麟

合江探梅

艇子飄搖喚不回半溪清影漾疎梅有人隔岸頻招手和

月和霜翦取來

成都文類

任續

續紹興閒人

還珠洞呈桂林帥呂叔恭

山林自空閒遊人事幽討岫幌與雲關來蹟可堪掃良離

矗孤峯玉簪倚天杪桂水流灘碧洄伏皆縈繞豁衍巖穴
深蚪龍雙天矯坤倪露幽祕造化殫奇巧勝槩絕塵寰髣
髴蓬萊島悠悠世俗情是非苦膠擾水中蟬何罪徒勞卹
心悄人厄困無妄礫石埋深窈風月幾年恨山光慘蘿蔦
星郎太嶽孫長城隱南表戎旃整且暇高情恣登眺郊坰
擁小隊一見顏色愀舊觀俄頃復洞戶天重曉傷心日月
過人世幾番老山川不相似歲久依然好呂巖標強名往
事人能道孟公漫驚坐子夏冠非小桃符錄餘慶邨勝成
濮兆冥數今乃驗常幸定誰考哦詩記貞石則有若樽醪

杵勝

強彥文

彥文溧陽丞

句

空有青山自龍虎可堪荒冢更衣冠

金陵道中

遠山初見疑無

路曲徑徐行漸有村

船中燈火十年話枕上江湖萬里

心

清波別志

李璜

璜字德劬江都人流寓四明有槩菴集

樓大防序云德劬少負雋才恥從進士舉後寓四明蕭散骸髣以終其身不娶無子晚從宏智禪師于言下有省寫照自題其上云分明便是龐居士又卻無人賣罩籬不可謂無所得然亦可哀也已

以二貓送張子賢

家家入雪白於霜更有敲鞍似鬪裝便請爐邊叉手坐從

他鼠子自跳梁

銜蟬毛色白勝酥榻絮堆綿亦不如老病毗邪須減口從

今休歎食無魚

墨莊漫錄

唐 慙

慙字端仲淮海張邦基之表舅

賦漢建安時候印

關中金印豈秦關想見風流漢已還大饗似書譙縣石蘭
亭寧數會稽山空餘此日歸囊橐曾是當年雜佩環萬戶
況將取如斗此章何足繫腰閒

題宗室趙大年橫卷爲張邦基作

聞君新得小山川畫手來從郢雍賢不學農夫焉用稼若

爲王子豈知田我真壠上躬耕客親見人閒小隱天始識
何年京樣熟菊籬寧似景龍邊

菊籬景龍門下景也

墨莊漫錄米南宮謂大年作畫清麗雪景類王維汀渚水鳥有江湖意予嘗得大年所作橫卷歸田圖竹籬茅舍煙林蔽虧遙岑遠水咫尺千里葭蕪鷗鷺宛若江鄉表舅唐端仲題詩云云

裴相如

相如號豹隱餘杭人

遊洞霄宮

人閒三十六洞天各有邃道通神仙茲山九鎖路曲折中
閒五洞棲雲煙東遊大滌望天柱西登石室觀飛泉窮幽
討勝足未倦明月忽墮青崖顛山中道士借一榻夜半爰
鶴驚人眠明朝又復出山去白雲回首空淒然

洞霄詩集

龔明之

明之字熙仲崑山人祖母李病且革明之禱于天
乞減五齡以益李壽灼頂聞腦中有爆裂聲不爲
動李病尋愈竟五年卒明之以特恩廷試授高州
文學年老敕監潭州衡嶽致仕超授宣教郎著中
吳紀聞

芝華亭

誰道休祥繫上穹民心元自與天通政平訟理爲真瑞何
必金芝產梵宮

玉峯詩集

蘇籀

籀字仲滋轍之孫遲之子官至監丞南渡居婺州

有雙溪集

薜蘿

葉葉秋聲中
霏霏蚤英藪
介特有如松
繁華匪慙菊
勃蔚襲軒墀
薰霑滿衣服
情人擢纖指
拾藥動盈匊
薜蘿見離騷
苓藿入譜錄

遊鼓山

自注孫子安見招

呼船起柁乘潮平
掠窗飄箔疎雨傾
漱石枕流東道主
櫛風沐雨吾曹行
百尋懸瀑瀉紳佩
兩邊喬木翔枏豐
乞漿滿甌牛乳粥
縱橫下筍駝蹄羹
躋摩頂踵歷磴術
牽挽葛藟披荆榛
荒浪攙差復奄靄
截嶂聳嵐仍棱層
嗥煙嘯雨猿鶴宅
絕山航海樵漁能
草衣穴處避世士
木食澗飲安

禪僧芝房雲閣無盡藏月屏風幌長明燈笑看闌闌一蟻
垤揮斥氛祲投蠻藤經行石竇解滕屨飲灌匏杓談淄澠
莫嗔踏碎蒼苔色莫嫌汲濁陰井清膏肓泉石有裁鑿騰
蹕巖嶸試股肱要識石鼓真面目立置枕几非綸綍風吹
楊葉此山下欲問故老知誰膺市朝一夢爭奪際山海蕭
散堪伏膺

和卷中韓子蒼梅花

先開媚晴昊孤豔斷魂時繞樹沈煙度凌寒檀暈披參橫
明月觀雪細影娥池結實冥冥雨君看雀啁枝

以上雙溪集

蘇簡

簡字伯業籀弟有山堂集